

桐華舸詩續鈔



830098

桐 葵 何
詩 續 鈔

光緒二年九月九日長洲謝榛篆



序

吾生平不善詩而喜論詩嘗謂神氣筋骨髓五者闕一不可以爲人詩而闕其一豈得謂之成詩哉然而備焉者寡矣其備者又各有其偏至者焉太白以神勝昌黎以氣勝東野以骨勝東坡以筋勝惟少陵獨以髓勝天之五星地之五嶽莫能起而代也聞吾語者輒詆爲怪論吾友桐舟先生特信之先生之詩能合五家之長而取其精者也每成一詩必與余往復商榷而後定稿其心之所至吾心亦隨其曲折而與之俱至世之善論先生詩者宜莫余若矣

桐華舸詩續鈔

序

一

丙寅刻前集竣屬余弁其首又五年重遇於漢皋謂余曰吾向者作詩常患神至而髓不至今境日困詩日進子之論其幾矣丙子復取所作裒爲續集刻於隨吾誦之夷然憚然不自覺形神之俱化也夫髓不可見仍於神氣筋骨見之置先生之詩於五家中不必皆似求先生詩於五家外更無似者蓋其神氣筋骨間無非五家之髓醞釀團結而出者也嗟乎嗟乎發古今之奧窔挾鬼神之情狀者此乎傲斯人以不能干造物之深忌者此乎而欲其身之不困也得乎而欲其詣之不至也得乎雖然先生之詩之詣

未有已也人過六十英華消沮流於頽唐者有之今觀此
集神氣筋骨髓會不減於壯盛之年吾雖善論詩烏足以
測先生之所至哉異時三集四集成猶將序之以自攷其
識力嘉耦張恭人亦善詩附載集中先生試舉此說質之
或當許爲知言光緒丁丑三月笈甫弟王鴻朗序

桐華舸詩續鈔

序

二

序

鮑桐舟太守於隨州講席續刊桐華舸詩兩卷郵寄見示
並問序於予辭之不獲然予實不能詩安敢輕序桐舟之
詩哉憶家居時鄉里相望姻好往來入試同費序習知桐
舟能詩而喁于應聲愧未之逮自宦轍分馳中更寇亂不
謀面者幾三十年一旦來遊江漢得復叙契闊聯天涯之
舊兩歲時饋遺歡若平生桐舟雖不得志於時而著作篇
章乃日益闔富其初集行世久經時賢論定推爲鉅手續
存之藁又已蔚然成巨帙予得見之且愧且慕信桐舟之

桐華舸詩續鈔

序

一

能自力於學以必傳其詩爲不可及也抑予固不知詩亦
嘗側聆先生長者之緒論矣嘉道以來所見吾鄉之能詩
者若胡城東老人唐王度和鼎祚曹念生應鐘潘少菊元

琮

程鄂軒

榮功

鶴槎

梯功

諸君子皆才藻奮發馳騁時譽

第是四始六義之道端必以比興爲先詩中有人在言外
有事在此詣未易驟臻今桐舟之詩以風雅爲導源以盛
唐爲根柢以國初爲歸宿旣於鄉先正之旨趣無或異
而其性情學問才猷經濟淵然涵溢於楮墨之間而不爲
悲憤所掩至藉古事發今情亦唐宋名家所未及蓋已駸

駿乎有樂府之遺音焉夫以四十年之精力專工爲詩久而不懈宜其格律之深純渾化令人不可方物予比年所見詩刻佳者至夥然每頌桐華舸詩不覺鄉思頓生而塵襟盡滌詩之感人豈淺鮮耶桐舟之詩固不止此聞將以旅資之餘友朋之助盡刊其所存稿其深人往復又當何如耶郢中山水雄天下騷客正軌由斯肇興桐舟以老斲輪僑寄此邦取給祠祿歲月優閑而更得江山之助其所以恢拓詩境者固日新月盛而不窮天眷詩人良非偶然予雖不能詩亦知桐舟之斬至於古大家不徒播詩名於桐華舸詩續鈔

序

二

新安已也故承命而爲之序

光緒丙子仲冬月姻愚弟程桓生拜撰於漢皋差次

桐華舸詩續鈔卷一

擬李青蓮白雲歌

鮑瑞駿



手開雲關朝日觀暮餐荀媪雕胡飯四圍松樾隱深溪亂
山行盡板橋低烟明半浦聞漁榜寒玉團團月初上萬籟
杳然人影稀一聲鶴唳落秋衣袖中攜得白雲在對月放
雲何處歸

階上

階上無蝴蝶官貧夢亦清飯炊紅稻粒香薦綠蔬羹耽此
桐華舸詩續鈔卷一

酸寒味稜然冰雪情宵深猶把卷明月滿秋聲

楊廉夫鐵笛

楊廉夫維楨晚年避地泖湖常乘畫舫弄笛賦西湖竹
枝薛氏女蘭英蕙英聞而效之作蘇臺竹枝十章

鍛劍爲笛笛如劍有氣冲霄少微見迴風一引畫船過吹
徧湖千花落霰珠簾暮捲出佳人歸路笙歌月爛銀從此
西湖竹枝唱吳娃亦有曲翻新

顧仲瑛草堂

顧仲瑛德輝築草堂於界溪植梅竹蓄聲伎書畫雅玩

一時名士多主之

玉山草堂暖松菊書畫尊彝絲竹月南枝工舞小瑤歌花
時共侑杯中綠一時壇坫勝流齊歸然高士雲林倪青山
千古埋金粟豈向淮張幕下棲

王叔明宮詞

王叔明蒙作宮詞仁和俞友仁歎爲唐人得意句以妹
妻之

黃鶴山樵松雪甥烟雲落紙詩無聲如何有鳩爲媒日翻
似御溝紅葉盟嗚呼識字終坎珂看畫他年滋黨旣安得
桐華舸詩續鈔卷一
憐才如友仁八百孤寒淚無墮

王廷用宮怨

王廷用佐宮怨詩有寒氣逼人眠不得鐘聲催月下迴
廊之句夢樵詩話載毛舜臣留守南都灑掃舊內見題
壁詩署媚蘭女子者與之同蓋好事者傅會也

鐘聲催月禁闈寒好語如珠屬和難寫出千秋長信怨南
都留守幾回看豈知寥落行宮裏壞壁題詩亦如此大抵
蛾眉謠詠多峯青江上吟秋鬼

沈石田畫僧

沈石田周詩畫名海內有僧以紙求畫詩云筆到斷厓
泉落處石邊添個看雲僧石田欣然畫其意答之

啓南墨妙知名久肯落等閒寒具手山中有雲持贈誰繪
應名僧訂詩友先生不入權貴門筆迹光輝金並論獨慕
荷笠斜陽影彷彿江南黃葉村

康德涵琵琶

康德涵海落職家居以聲色自娛楊侍郎廷儀在浙西
留飲甚懽德涵爲彈琵琶楊因從容言家兄在內閣何
不以書通之德涵怒曰吾豈效王維借琵琶討官做耶
桐華舸詩續鈔卷一
詩人競說鬱輪袍安道碎琴風操高武功吏議歸田後日
向花閒浮濁醪手弄檀槽因舊雨朝貴何能通寸楮片言
不合便抽身終日醺醺聽腰鼓

王穉欽騎牛

王穉欽廷陳免歸二十餘年益自放廢朝貴有慕而請
謁者率不具宥主禮時衣紅苧衫騎牛嘯歌田野

紅苧窄衫烏犍牛田閒蘆管聲不秋窮巷傳呼達官至科
頭箕踞聊賡酬憶自陳書拜廷杖南幸鑾輿道相望悲哉
敬通見抵年砥憤何心益頽放

楊升菴傳粉

楊升菴慎謫滇南縱酒自放傅粉作雙鬢插花攜伎游
佛寺彝酋以精白綾作襪遺諸伎酒酣輒取書之諸酋
購得爭寶焉

雙丫彎彎花滿頭諸伎擁之蕭寺遊袖中諫草復誰語只
有醉墨供人求彝酋爭弄吳綾襪酒半乞書情得得傅粉
何郎豈後身枕烟茵霧羣芳國

謝茂秦納姬

謝茂秦榛趙王愛其詩得竹枝十章命伎賈扣度之會

桐華舸詩續鈔

卷一

四

茂秦過鄴王宴之命賈奏琵琶曰此先生竹枝也譜其
詩不識其人可乎命賈出拜光華射人茂秦因請更製
王悅甚茂秦老不勝酒醉卧山亭下王命賈以衽代薦
明日上新竹枝十四章賈譜之如初元夕便殿宴終卽
歸賈於邸舍云

趙邸歌兒豔賈姬譜盡山人新竹枝山亭一醉枕花卧想
見出拜姍姍遲美人名士成嘉禮如此奇緣曾有幾秋燈
山寺泣黃腸擊碎琵琶人老矣

顧華玉結客

顧華玉璘晚歲家居構息園治幸舍數十間以待四方
宥客命觴染翰雖偏長薄技無不曲盡其意

息園泉石胥江上但解雕蟲儘供帳段橋舟畔訂交餘更
挽湘纍倒家釀江東三度慨晨星月下笙簧載酒亭
園中亭名
消得楊郎歌宛轉梨園都羨蔣南冷

王孟端聞簫

王孟端絃工畫襟期灑落嘗寓京都與一商爲鄰月下
聞簫聲喜甚明日畫竹以贈曰我以簫材爲報其人不
解事餽以紅氍毹乞再畫一枝孟端大笑卻其餽取前
桐華舸詩續鈔

卷一

五

畫裂之

月中常愛玉人簫何必秋風廿四橋流寓長安居近市和
雲一響意俱消紅氍毹豈簫材匹孤負雅人供紙筆煮鶴
焚琴一笑多柯亭何怪無人識

王伯穀稱觴

王伯穀稭登萬厯中七十壽辰馬湘蘭自金陵往祝燕
飲累月爲金閨盛事

東坡赤壁稱觴夕曾聽新音江上笛吳門詞客魯靈光羣
花高會風流極就中六幅湘裙拖豔絕江南萬綺羅何人

雅謹雙鈎玉

見陸從調馬湘蘭詩

累月旣船樂事多

錢牧齋耦耕

錢牧齋謙益結耦耕堂以招程孟陽

牧齋執友推松圓構得草堂思服田祇因出處不同調黍
油麥秀愁啼鶉嗚呼滄桑一飄瞥華屋山邱心尙結鎡耕
縱有柳夫人其奈風期非冀缺

顧亭林詩獄

顧亭林炎武因萊人姜元衡訐告其主黃培詩獄逮及
二三十人又以吳郡陳濟生忠節錄指爲亭林所輯頌

桐華舸詩續鈔

卷一

六

繫五六月乃釋

詩人岸獄株連急濟生一錄曾波及對簿銀鐙三十人半
年涕淚南冠繫畢竟滄浪有濁清彼蒼何苦忌才名赴東
詩在挑燈讀還訝呼囚夜半聲

徐元歎掃葉

徐元歎波晚居天池落木菴松栝數株霜月呼童掃葉
以供薪爨錢牧齋贈勸酒歌有天寶貞元詞客盡江東
留得一徐波之句

天池秋色峰外峰落木菴荒霜露濃喚取雙童縛新帚爛

紅乾翠充廚供嗟嗟王謝風流盡回首黃墟意紆軫天留
一老領吟壇數株松栝蕭條甚

冒辟疆憶語

冒辟疆襄悼其姬人董小宛作影梅菴憶語一卷吳梅
村贈詩云恨煞南朝阮司馬累僕夫瘞病愁多

水繪園中天女供小宛嬋娟嬌似鳳聰明折盡妙年華關
河戎馬催殘夢猶憶中秋讌白門定情水閣月移痕優曇
一現梅花影悽斷珊珊縞袂魂

李雲田藏眞

桐華舸詩續鈔

卷一

七

李雲田以篤高才不偶好狹斜遊龔芝麓贈以老蕩子
行其室周寶鐙自寫坐月浣花圖雲田寶之

人言蕩子天涯老蕩子風情老彌好枇杷門巷恣經過篋
中小像珍藏早霧髻雲鬟儼洛妃眞眞不喚總相依春風
吹入牽情夢倩女離魂是也非

吳梅村聽琴

吳梅村偉業放還後縱情聲伎卞玉京工書善畫蘭琴
尤擅名委身爲女道士亂後遊吳門遇梅村願以身許
梅村婉謝之有聽卞玉京彈琴歌

梅村鬱鬱東山志銷磨歲月唯聲伎古調泠泠人不彈相
逢樽酒嗟顛顛半塘風雨倍愁顏意苦絃悲別鶴還翦就
黃絕歸淨業不堪重問念家山

龔芝麓徵歌

龔芝麓鼎孳提倡風雅寓意閒情歲丁酉偕顧夫人重
遊金陵寓市隱園值夫人生辰乃召南曲舊侶李十娘
輩并命老梨園郭長春酒客丁繼之諸人演劇適門生
某赴浙監司任亦與斯會稱賤子上壽夫人爲罄三爵
焉

桐華舸詩續鈔

卷一

八

橫波夫人何窈窕秦淮設帆歌聲遠名到當時姊妹行花
滿名園春不曉飲罷門生三舉觴簾前鞠部進霓裳酒闌
振觸鈞天感何只飄零李十孃

紀伯紫話舊

紀伯紫映鐘自稱鍾山遺老與林古度齊名話青谿故
事媿媿動人有聞之泣下者

天子無愁醉不醒干戈影隔春燈影朝端朋黨又騷然興
亡一例胭脂井鍾山遺老獨酸辛卻話青谿舊日春白首
重逢林古度落花時節定霑巾

周櫟園移家

周櫟園亮工移居白下桃葉莫愁閒訪殆徧姬人王氏
臨終自言爲情所累願以比邱尼葬我不願再生塵世
並言魂魄常在白門柳色中不在明月簫聲下也櫟園
悼以詩其自注云庚辛閒自相懷入燕京赴北海時載
道烽燧予與姬單騎數千里其豪邁可想已

舞衫歌扇真情種白下移家佳麗擁回思疋馬踏幽燕烽
烟叢裏專房寵寵極情纏反累身王姬悔及再生因芳魂
願化臺城柳明月簫聲讓與人

桐華舸詩續鈔

卷一

九

王西樵繡佛

王西樵士祿繡佛長齋然好爲香奩體然脂一集不啻
天女之伴維摩也劉公誠寓書汪鈍翁曰王大不致墮
韓冬郎雲霧否

兀坐苦吟如入定空空色色兩相兼考功本似維摩詰滿
壁鬢陀晝不嫌況乃鶯花隨世界香奩雲霧曾何悔白傅
應歸兜率天佛心豈必多情礙

王阮亭修稷

王阮亭士禎爲揚州法曹集諸名士於蜀岡紅橋閒修

舉稷事陳其年詩云兩行小史豔神仙爭寫君侯斷腸句

上巳紅橋幾兩風衣香人影何匆匆揚州司理有深致小史兩行銅鉢終詩儻不成罰如例金谷酒監同振袂茶熟香溫又一時斷腸句續蘭亭禊

徐東癡隱居

徐東癡夜詩字俱工早棄諸生隱居士室屢空晏如也故漁洋有湘東品藻江左風流之目

有足不敎城市趺有門但使蓬蒿徧詩如東野書永興尋桐華舸詩續鈔

卷一

十

常那識先生面先生風骨何巖巖世味久已忘酸鹹一從投分王文簡秋柳吟成淚滿衫

彭羨門訂交

彭羨門孫邇才冠詞場中遭放廢日從遊於吳姬酒肆閒初與程村不相識一日遇於漁洋座上都無寒溫旣而漁洋起曰鄒大彭十夙昔千里相思今日尹邢相見可無一言乎二君皆大喜過望

上清謫後縱豪飲酒樓花簇紅牙引寥寥天壤幾鄒生千里相思鬪邢尹幸有賢侯爲具庖一朝會座漆投膠宛然

山史長安肆以意相成遂定交

施愚山乘傳

施愚山閩章視學山左至新嘉驛特徵會稽女子事有
老驛卒云萬歷四十七年有某將軍過宿旦發甚早卒
實司供具亡一錫爨後得諸屋角石碣上則詩在焉蓋
秉以作書也愚山爲文記之并和其詩

新嘉驛中老驛卒故將軍事渠能說會稽女子彼何人字
字燈前淚凝血宛陵星使情最深墨痕漫漶覓墻陰文成
刊石詩重和玉尺量才一片心

桐華舸詩續鈔

卷一

十一

尤西堂射虎

尤西堂侗爲盧龍司理曾黑夜射虎塞外意氣殊壯晚
年罷官家居縱情風月所著樂府多悲歌激楚之音

九重親許真才子一官塞上風雲起虎眼如燈雪地來餓
鳴嘯處啼俚鬼雜俎編成酒半酣無端落職老江潭柴門
月黑傷心夜猶脫弓衣對客談

吳蘭次奉敕

吳蘭次綺待詔金馬奉 敕填詞被諸宮掖時目爲江

都才子

客比山多官夢短湖州太守聲名滿記得新詞供奉年絃
索官垣月如澣金門佳話播邗江調奏清平未肯降林蕙
堂開醉春色東風紅豆祝雙雙

朱竹垞酒壚

朱竹垞彝尊負異才吳梅村評其詩曰若遇賀監定有
謫仙人之月性嗜酒嘗與高念祖入都每日暮泊舟輒
失所在高求之則已闌入酒肆醉卧壚下矣

檢討避兵練浦塘

本檢討文學曹君墓誌中事

二三故人皆酒狂挂名

朝籍飲如故金貂一擲山頽唐人傳昔應鴻詞舉每到泊
桐華舸詩續鈔卷一
舟色飛舞酒家眠遍謫仙人果然不愧梅村許

十一

余澹心品麗

余澹心懷留寓南中徵歌選舞過江風流推爲領袖所
著板橋雜記亦哀江南之意也

先生目擊南畿覆舊院榛蕪日眉皺白頭淪落說元宗年
年載酒傷春瘦曼淥層波桃葉迴萬重影事入深杯板橋
一記招魂託滿目江湖庾信哀

陳其年填詞

陳其年維崧有烏絲詞多閨房遊俠之什最爲瓌麗繪

有填詞圖

燕子牋成名鼎鼎先生不值掀髯晒本是袁家一慙孫才
華早壓張三影僑寓應題朱雀橋六朝金粉黯魂銷烏絲
三卷眞珠字付與雲郎紫竹簫

吳漢槎荷戈

吳漢槎兆騫以科場事被議投荒萬里梅村作悲歌送
之顧華峯浼侍衛成德掾之未卽許後見顧贈吳金縷
曲泣曰山陽思舊都尉河梁並此而三矣遂爲請還阮
亭詩云太息梅村今宿草不留老眼待君還蓋傷之也

桐華舸詩續鈔

卷一

七

世途特爲才人隘赭衣竟成盧龍塞文章自來憎命多烟
花不覺和愁碎將軍也泣金縷詞人關遂諾五年期社人
讀到秋笳集應痛秋墳夜唱詩

宗梅岑灌園

宗梅岑元鼎晚居廣陵東原鴻妻驥子柴扉翛然種花
爲業得錢買醉餘錢散之諸乞兒人目爲花顛嘗於重
九渡江經旬始歸袖出鮮杜鵑一枝曰吾訪殷七七於
鐵瓮城中耳

綠楊城郭賣花傭不衫不履擔春風得錢沽酒乞兒笑花

顛顛倒花花中提瓮有妻能出汲候門有子能侍筆渡江
袖歸紅杜鵑言訪故人殷七七

徐虹亭選詩

徐虹亭欽孤情絕照阮亭比之徐孺子嘗寓書曰本事
詩久應餒板佇望見示並乞寫垂虹秋色圖云云龔端
毅雅重之臨終以屬梁真定其爲前輩推許如此

本事詩編十二卷字裏行間妙黃絹未同樂府重雞林簪
毫空憶金鑾殿芝麓云亡真定疏漁洋惆悵數行書可憐
空谷人如玉只剩垂虹秋色圖

桐華別詩續鈔

卷一

十四

黃庭表尋親

黃庭表向堅以父官滇南流賊正熾又值永明王之變
存亡莫訊徒步訪之艱苦萬狀竟迎二親以歸足跡所
至輒繪一圖歸元公爲立傳世稱黃孝子

老親遠宦音書絕况乃關山日流血徒步荆榛萬里來軍
中乍見唯悲咽至行應教天意孚雙雙白髮綠衣娛不知
畫裏風塵色繪得烏私一寸無

計甫草葺墓

計甫草東懷才抑塞豪氣邁倫過鄴下見謝四溟墓傾

圮盡橐中金爲繕葺并爲詩用之

平生山斗歸震川廢圃曾經三拜虔
眇山人墓穴狐兔復傾行
橐營荒阡嗚呼先生負奇氣
表幽那惜賣文費試誦
鄴中懷古詩布衣足抗王公貴

秋蠅咏

性命逐血食焉思霜霰寒營營
俎上蠅引類一何歡但有
日光處遑惜故紙鑽眈眈
立蠅虎獵者豆猶彈避之四散
飛移時潛自還方幸饕餮中
異患無所干豈知飴糖上乃
至粘壁乾何如蟋蟀吟夜夜
清露團

桐華舸詩續鈔卷一

五

中秋月寄笈甫

月爲中秋明渺然涼思生靜極
自含動月亦憐秋聲望月
秋江迴波涵遠天影此時宜
鴈聲荻蘆相與永望月秋山
空雲寒石氣濃此時宜葉聲
踈應前林鐘何處聞砧杵重
城夜方午燈火萬家澄鬱此
離愁苦祇除玉人簫秋風
卅四橋千秋二分月照盡可
憐宵宵長月亦長關塞莽蒼
蒼悲笳數聲起萬嶺皓如霜
月將邊地愁散作千聲秋風
篋自淒處想君應倚樓

秋電歎

民枯如腊龍偏噬硬雨飛空彈禾穗東阡人哭西陌歎國
租誰納家不餐自言是日鬱如火忽有黑雲頭上過萬木
立暗風怒號天投以塊水礮礮有如昆陽虎豹嗥馬陵之
弩多如毛化作億萬雷公刀餘瀝沾禾禾盡槁禾頭斬斷
田蓬蒿嗚呼秋雹傷禾農父病匍匐縣堂如乞命那堪野
鷺代家雞災者納租不災賑可憐卒歲竟如何誰識公門
電更多君不見天寶末年秋兩苦相公猶自進嘉禾

秋望

秋色城南路風帘隔水遙前村黃葉廟小港赤闌橋峯谿
桐華舸詩續鈔卷一 六
雲移石墳荒兔避鵬何人初獵罷爨火照鳴刁

笈甫藏有袁候臺瓦研屬作長歌紀之

銅雀臺瓦良研田此瓦乃在銅雀先色青而紫厚以寸池
窠半月澹松烟磨墨如暗欲兩潤瑟瑟綴若明珠懸諸花
香處呼壁友沉檀之匣銘詞鑄竹垞日以讌友瓦得毋考
据訛相沿文曰建安三年造斯時河北方炎炎袁曹兩雄
不相下土木何得興戈鋌吾聞南皮有臺二或者袁候之
遺埏當其虎視冀州日官渡未戰猶瓦全穹窿百尺用偵
敵吸盡兵氣歸陶甄相傳夜深發光怪異香騰作龍蜿蜒

野火燒殘敗昔漬爭墩一例言詹詹否則陳因太倉粟鳩
工適值浮瓜年區區胡椒且八百况乃飯甌崇觀瞻五官
中郎敬愛客想見射雉同遊敗哀來樂往感絲竹金碧鱗
鱗輝畫檐不知何時琢爲硯殘膏一滴江湖霑宜城驛入
昌黎記景山贈賴歐公傳世間古物等飄瓦獲之奚翅眞
珠船嗚呼人生安得如汝堅背有漢隸神宛然緇布紋深
尾則斷亦猶割據留山川袁家父子固豚犬曹家兄弟終
猜嫌流連香履有深意木妖早兆漳河壅知君好古自一
癖豈以人廢相針砭魏三祖集君所弄曩者漢上遭師燿
桐華舸詩續鈔卷一

七

嗚呼一得一失皆前緣非此那伴君家氈會看滌筆記神
硯壓倒壽貴公侯甄

送人歸黃山

舉世鮮相識天都深處行奇峯三十六小劫宋元明

黃山之路

開自明僧

木氣空山壽雲心太古盟還嘲綺黃輩一出總身輕

許愚山學博裕堅鈕月種梅圖

土花開徧江南路烽烟夢遶青楓樹每到窗前梅影斜月

明疑是君來處與君一別十餘秋容顏無改霜滿頭知白

齋中昔文酒高談往往參橫樓思舊何堪國殤痛

謂王月許詒

生諸知已檀干池館花誰種湖上楹聯我舊書雨隄寒綠凝高

棟就中標瓦古碑亭刻畫蘇黃如石經君恐老梅沒荆棘

慨然集議新丹青豈知避地淹章顛楚人一炬嗟春夢骨

肉飄零井里荒豬肝那肯分人俸筆下千秋世不知廣文

官冷甘息機石城小邑干戈後非君德望將焉師歸帆訪

我衛河署京洛兩年衣自素挑燈情話劇蒼涼安得孤山

鉏月去相見時難別愈難離亭風咽笛聲酸龍君巧作東

池涸君以運河水
落方謀改道爲挽行滕共杯酌酒闌示我種梅圖回

首湖山夢有無他時泛月梅根浦池州地名君
秉鐸其處定見鱣堂

桐華舸詩續鈔卷一 六

香雪聚披圖重與訂吟緣三十六峯芝朮邊君精岐黃
術故云

孤兒行 并序

孤兒姓廖名常湖北人父稚原孝廉爲余癸卯同年笈

甫乃祖所薦士也年十六爲賊脅作傭已而得脫壽張

以其難民也遞之觀城笈甫詢而知之爲請諸當路送

之人都不意廖君已沒遂依其戚余悲之作此論笈甫

孤兒面垢頭飛蓬問之不語呼若蠹窺身荆棘二千里長

夜無寐覘前烽自楚而豫而河東始得自拔隨哀鴻卻言

一夕空村宿墻角殘書幼曾讀枕之未穩勦聲高駭絕於

菟眠漏屋昨宵賊敗被俘來幸遇長官許歸牧吾友念舊
令王成三世通家相見驚爲言亦我年家子傾囊助作尋
親行關山迢遞身如葉乍見都門情更怯可憐父沒已經
年茫茫世路悲將燮燈前惆悵鴈來初回首黃塵滿里閭
高誼如君幾人在那堪重檢秣陵書

笈甫評余詩有如此境界如此興致必非久於困窮

諸語感呈一律

寂寞窮途淚何曾灑向人斯文千古脉相許一心真鹽米
煎寒暑功名熱賤貧孤松冬嶺上那識李桃春

桐華舸詩續鈔

卷一

五

塞下曲

兵來關氣黃兵退關氣紫天到鴈門晴亦陰風吹九月邊
聲起望不盡磧中慘淡雲聽不盡隴頭嗚咽水獨有征人
僵不眠五更犯雪峴前壘古人守邊常養軍今人守邊惟
顧勲一月一捷走軍牒甘泉宮夜歌方聞司農日夕籌金
繒士卒徵調如風燈古來河上逍遙者猶覺畏人清議騰
敗不足憂功自喜百萬刀矛化爲鬼漠漠沙場草不春都
是征人淚澆死

送兒子中沆之濟南

少小相依慣臨歧淚滿顛路無三百里腸已一千迴客裏
風霜逼人前夢寐猜慈親燈下卜惟念早歸來

老儒畢瓚行

有序

瓚字渭川歙城人也吾鄉紫陽書院爲闔郡會文地每
課榜出瓚抄其前列制藝售之爲餽口計先大夫必多
購焉嘗謂駿曰此篤實人也當善遇之蓋吾鄉城中人
率倚公門爲漁利藪瓚獨賣文爲活其志趣可知已暇
日檢舊篋偶獲所抄文因爲詩紀其梗槩云

吾鄉有老儒姓畢名曰瓚行年踰半百妻子無完裳日抄

桐華舸詩續鈔

卷一

三

社中文售之爲口糧其居近縣門戚里胥吏行替人書訟
牒一紙數緡償垂簾列肆中頗稱家小康老儒胡以然風
雨走偃偃天寒宿村店永夜燒殘糠有時攜穉子採蕨南
山陽終年一飽難凍指鱗鱗瘡何弗習刀筆而乃愁枯腸
老儒啞其笑謂是舊金張縱爲黏案螢終勝轉丸蜨並言
比隣某府吏聲名揚生本小家子濫竽從吏商一朝得捷
徑千金坐垂堂入則列甘脆出則衣輝煌門左門右人希
旨時奔忙我乃幼相暱問之名若忘猶憶去年雪避路隰
城隍某也視無覩去馬何騰驤方謂天道遠禍福殊微茫

烏知十載餘零落歸北邙子孫半溝壑華屋荆榛荒我以
冷眼觀何如文字香我研只三寸我筆秃不銖日抄社中
文售之爲口糧明年六十矣家具仍一囊先子遇之厚聞
言心暗傷余時方垂髻亦知士也良茲焉檢遺字兵燹悲
滄桑塵昏紙猶黑益慨楹書亡嗚呼獨行傳大抵狷與狂
薄俗士氣衰百愿輸一方請觀漢王烈豈惟桑梓光不然
薰天勢何夢非黃梁

有感

汾陽足繼狄梁公俱出唐家法網中怪底青蓮傳不朽無
桐華舸詩續鈔卷一
人更說魏元同

三

客感

故園寥落甲兵稀猶幸宗祏未式微歲歲客中看掃墓夕
陽衰草送寒衣

吾鄉以冬日謁
墓謂爲送寒衣

檢校舊詩偶占

飯依苦行禮空王手一金經穴一牀但飽黃菹三百甕何
須更羨相公羊

松

水盡厓枯霜雪重荒寒如許若爲容人間只有支離叟古

幹參天欲化龍

春夜偶成

清夜沉沉響杜鵑
畫闌干外月如煙
詩成無限傷心事
他日何人作鄭賤

孟東野弔盧殷詩書後

刺促復刺促
人生駒隙忙
東野弔盧殷
幾欲呼穹蒼
有酒見亦哭
何時不斷腸
有花見亦哭
何地爲權場
清者終自清
胡然罵滄浪
儻執齊物論
毋乃元亦黃
筆墨苟無靈
生腥欺死香
斯人不窮餓
豈掩奇文章
冥冥誰主之
顛倒迷桐華
舸詩續鈔

卷一

三

彭殤傳詩又不多
安見名山藏餒盡
若敖鬼作善何不祥
惟有千古名庶幾
饋貧糧命也已矣
夫誰爲要巫陽

大風登蓬萊閣放歌

未登蓬萊閣
先宿蓬萊縣
是時嚴冬夜
正長一枕寒
濤夢相戰
曉來積雪光
皚皚冷月生
棱銀海炫
獨登古閣望
滄溟
元氣茫茫洲島變
雲容翻墨疾於鳥
倒漏夕陽紅未了
浪花噴岸旁
跳珠遠帆如
笏朝天表
訇然十萬軍
聲來風到兩山吹
欲開東挾一山
瞥然去西捲一山
俄又回風急
驅山山鬪浪中
間碧裂琉璃堆
人言日照金銀臺
五更爛

爛天雞催有時蜃幻青紅氣萬井闐闐人馬沸我來時值
冬令成陰火不動元冰明胡爲天風浪浪水皆立黑翻海
底黏天青萬怪惶惑雷霆驚疇令天吳鳴不平嗚呼橫霄
豈少龜鼉橋世路比之尤蹊蹶弄濤豈少魚鰕舞人情比
之尤險阻安得揚塵之日淺且清掉臂採藥三山行不然
樽桑花下棋半枰劫盡今古陰陽爭消長不問潮與汐變
化不論鯤與鵬寸心所向無空闊我歌歌與龍神聽少焉
月出波不興萬里一碧天澄澄

義烈遺阡歌

桐華舸詩續鈔

卷一

三

春滿湖山凍葢歇五十七墳高嶽哀義烈遺阡拜

紫綸杭城往事何堪說悲哉四面皆楚聲壞雲壓陣星墜
營市中有犬效人哭牙上無梟催曉鳴往者烽傳六和塔
棺作梯衝恣騰踏只剩分防曳落河日暮點軍猶縱鴿偉
功遂荷

九重袞半壁東南歸令甲何圖劉表事模稜余闕城孤萬
馬騰五更聞笛瘡仍裹三月登陣淚欲冰重圍墨氣沖霄
起尸陀之劫浩如此此時激發但尊親那顧須臾有生死
擁楯都懷敵愾心摩笄亦覺生降恥血濺刀光狹巷深腥

風吹盡天凝紫狸首殘形無主名上飽烏鳶下螻蟻一朝
李郭奠金甌雕戈乍舉妖氛收珠簾畫棟埋秋草寶劍神
弓出古邱况乃陳人滿溝瀆瘞碧誰歌蒿里曲餒魄耿耿
泣若敖棠梨開落西湖綠高門好義掩蘘榿豈謂泉臺鬼
有知蘇隄月慘風悲處靈隱晨鐘暮梵時吁嗟乎猿鶴沙
蟲幾今古安得魂歸一抔土蚩蚩代謝亦鴻毛平阡豈必
豐碑樹難是曷臣籲祭來陰燐不化劫餘灰從今戰骨干
秋塚應免冬青一曲哀

愚公詠

桐華舸詩續鈔

卷一

十四

人笑愚公愚無力山欲移吾謂挈瓶智翻爲愚公嗤篤行
有成日鑿空無休時人心渾渾耳巧械生險巖何如葆天
眞循分忘是非智者如利錐愚者如鈍錘太剛鋒易折太
樸神不虧一利一鈍背而馳精誠所結誰得知君不見愚
忠愚孝天監之

隱士詠

君王好名士慕勢巢許遺風今埽地因人成事太脂韋鈎
黨禍深仍誤世不將捷徑動人寰磨鏡吹簫俱等閒冥鴻
自有銜蘆智矯矯節高何可攀嗚呼矯矯節高何可攀封

刀名之空往還君不見青巖山

宿堂邑

車轡不掩暗塵黓襟袂斑斑暮色攬負郭小村荒若寺隔
河獨樹側疑帆瓦箒不煖稽灰薄土井多渾水味鹹一角
郵亭喧凍鼓冬來無雪夜巡巖

晚過辛集

冬旱鹿場白草枯牛市荒前山初罷獵殘燒落寒塘雞唱
孤城月笳悲斷坂霜明朝問征驛一鴈正南翔

烏目山人南谿高逸圖卷

桐華舸詩續鈔

卷一

五

人心靜如琴世味醇如醴昨夜華胥遊恍覩黃農始荷與
南谿翁養素烟霞里世閒車馬塵那容喧到耳犢叱桑畦
中樓倚松風裏閒看山外山徐徐白雲起

憶杭州舊遊

畫舫西湖月風塵二十年豈知艮岳石都化礮車烟

賊初攻

杭以西湖厝棺累作雲梯而入

列戟功臣第崇碑毅魄阡潮聲撼城闕想

見弩三千

憶中沆濟南

日日門閭眼雲山望不真居官成債數累汝作勞人惆悵

明湖柳浮沉衛水鱗漫忘衣上線漸已浣征塵

伍相國祠

磨鍊英雄氣知機貴事先陰謀能報楚左計是歸田軍國
猜嫌日宮闈歌舞年殺身亦何補應愧五湖船

寒夜曲

蠟炬燒愁愁不灰蠟淚不替人淚堆深閨霜白砧杵歇寒
衣寄罷書未回書未回思自苦悄倚熏籠聽譙鼓誰家羔
酒按笙歌何處氈爐嬌綺羅月落參橫歡未畢那似淒迷
影向壁一聲斷鴈衆星高意中關塞魂夢勞魂飛儻識燕
桐華舸詩續鈔卷一
然路東方但願遲遲曙庭樹雞鳴雪滿天空房心性夜如
年就令夢裏相逢數鐵甲生冰亦可憐

夜望

木落夜蕭騷危樓水四遭城臨寒柝暗星照野塘高安得
孤山月相招載鶴舸梅花疎影動踏雪覓村醪

贈隱者

不慕神仙號相忘豈僅名倚松捫鶴蝨摘果待猿盟有癖
石難轉無心雲自行萬山供一嘯天地正希聲

擬孟東野遊華山雲臺觀

千山萬山脊亞此古靈宮松檜巢怪鷗聲疑咳老翁泉枯
井自黑霞散星猶紅諸天辟蘿外暮雲空復空

歙浦歸舟圖

山復水疑斷夜寒星更多蘆花風乍起孤櫂一聲過幻境
無鐘鼎吟情有笠蓑何時拍銅斗歸去弄烟波

十二月十七夜喜雪

開戶空階白迢迢夜若何犬聲深巷靜曙色一城多月隱
徑彌皎樹迷雲半拖不知僵卧者令尹可相過

偈仄行歲暮寄笈甫

桐華舸詩續鈔

卷一

七

古今人善錢神禱錢乃日荒人日老無如貧富太相形轉
歎坤輿今愛寶割席高風不可期營營俱爲錐刀迷一旦
腰纏誇十萬其饑薰天凌倚頓得意持籌握算間頓頓豈
識登高難石崇之侈王戎慳烏知天下饑與寒人人從此
豔心起慾海無津渡者幾路旁遑卹鬼椰揄吏亦如商交
以賄但使山川寶氣濃今礦古礦重復重到處徽徽光溢
目富埒王陽願斯足銅陵銀海相輝煌有地那復容耕桑
不得仙家煮石方或者兩粟由彼蒼否則黃熊齧生鐵如
此乃稱婆斯王嗚呼如此方稱婆斯王君不見江漢兵荒

人食人餓死空山金繞身髑髏借潤知何日明月清風且
一塵

十八日待雪

四野皓茫茫歸鴉凍欲僵風旋搓樹黑日薄澹雲黃客况
三冬悴家山百戰荒縱然盈尺兆安得隔年糧

除夕立春戲占

爆竹聲中斗柄回祭詩未了望雲催桃符寫共宜春字黍
谷移將避債臺今古繁華隋殿燼陰陽消息洞庭醅東皇
豈有迎年想風信先吹甲子來

桐華舸詩續鈔

卷一

五

丁卯元日

百辟朝天簇火城萍踪回首尙分明市人相揖知新歲野
店無門見太平殘雪亂山歸客夢生盆家醞打春聲
名場也似宵燈戲滿眼魚龍曼衍成

除夕
立春

初春野望

不覺條風動河聲喧向東草茸霜滲白雲壘日翻紅牛力
先耕健泥痕到晚融前村催社鼓燈市見遊驄

遊城外古刹用東坡漢陂魚七古原韻

寺入松栂門半掩遠塔如錐石如劍齋房初散石幢寒殿

火琉璃作螢閃昨來楓掩看秋光霜葉鴉翻夕陽染一聲
牧笛出前墟百尺飛泉瀉荒塹幽探幸結人兩三小飲還
思路旁店吉占欲問佛圖澄中夏盟誰秦楚僭白雲盡處
新渦陽以鐵爲耕今正欠安徽兵後農器殆盡豹聲晝沸若相歡臨淮
一帶野狗食人蓋豹也菜色病深疇與砭十年生聚天有期一歲租
庸國何瞻悲來徒倚小樓東僧廚又報香杭臘

論詩呈笈甫

一月三致書缺焉卽心歎無語爲寒暄但覺吟詩瘦君言
有儻父眼光小如豆謂似李西涯白詩辨聲臭豈知腐鼠

桐華舸詩續鈔

卷一

无

來視若良璞購義山旣貽譏東坡亦蒙垢我謂兩家詩殊
難議良莠當其依河陽以才締婚媾無奈令狐絢設醴情
不厚蛾眉譎詠多誰與引手救此意難斥言半付鴛鴦繡
實則飯顆山有筆夢中授東坡尤天才萬斛泉源富曲折
盡詩騷示人志於穀惜稿不自刊玉石幾相糅况乃詩禍
深身後猶勿宥我昔宗義山惟恐雉窟圍晚乃師東坡豈
其船放溜我欲置詩龕唐宋合一構李杜爲升堂韓孟爲
對雷義山枕之初東坡海之後走書以報君慎毋阿所謬

儻開宗派圖應出西江右

早秋和汪瘦梅虞部

西來秋色乍蕭森，悽斷年年宋玉心。
朝爽初驚山骨瘦，晚涼漸入簾紋深。
天涯歲月梧桐老，塞上功名蟋蟀吟。
又是人情感紈扇，前村昨夜已聞砧。

竺溪秋興呈許訥生

衍元

我家竺溪上，待月山前灣。
故人邀我去，同聽碧潺潺。
沿流行且止，落葉隨往還。
小橋跨幽澗，立語夜向闌。
泠泠松下風，吹我襟袖單。
故人鬚眉白，涼露光成團。
深谷微應聲，亦云山月寒。
戛然孤鶴來，導我蘆花灘。
扁舟小如葉，到家門未關。
童子烹苦菜，老妻設盤餐。
更開竹間樓，秋燈棋一彈。
還期垂釣處，明日漁梁山。

羸馬行

驛路迢迢去無極，厯坂踰溝爭馬力。
一車獨緩鐸，郎當羸馬淒涼可憐色。
鞭聲拍拍到空槽，褫卻轡銜鳴不得。
君不見珊瑚爲飾錦爲韉，厩中芻豆高於山。
養得雕圓蹄若玉，猶云挾策飛上天。
嗚呼神俊當轅死，誰念瘡深厩流矢。
人閒負盡太行鹽，不逢伯樂悲如此。
不逢伯樂如此悲，千秋

幾見燕昭臺

得高麗中書乞余詩鈔卻寄

故鄉兵氣漸銷沈淪落天涯遊子吟入幕空彈三尺鈇賣
文誰贈一鈞金眼中聚散悲紉扇意外遭逢泣爨琴我效
香山詩自定推敲還待酒杯深

秋夜竺溪寺獨坐

雨過月深黑衆影趨溪東倒入涵涵波突兀成遠峯微風
一以動散作青濛濛僧樓獨坐人相視了無語秋老凋空
音夜孤收衆怖時有熠燿飛閃閃蒼苔路殿上琉璃燈殿
下菩提樹波光晴到門萬影瞥然去但聞數聲鐘白出林

桐華舸詩續鈔

卷一

三

皐曙

擬溧陽尉峽哀

峽中陰厓險滑滑摧心肝賺人秋氣來斑駁苔蘚乾峽骨
沃生津峽口涎溥溥浮青蒙若冪一躡一飛湍潭洞有老
龜甘人隱榛菅厥狀猛若虺其音嬌若鸞幻形飴饒客血
拇凌風搏夜久化爲梁行旅何蹒跚可憐饑所驅安知人
鬼關禍人唯疾疾峽瘴深於瘴殺人唯刀矛峽齒神於剝
所險不在形滑心焉可干有如浸潤然醜毒扭相安所以
三峽猿悽斷遊子顏爲雲古神女縹緲十二鬟

登城有感

朔風吹晚急野色靜平蕪村破犬應凍城尖月愈孤烽烟

驚突騎

賊皆馬隊飄忽異常

鄉里議環郭

時有築圩之議

誰念潢池弄他時

滋異圖

築圩歎

前村登登杵聲急後村邪許人聲集大圩小圩巍若城鄉
豪之令何堅明貧家無錢富家借子本相償待秋稼不愁
誨盜爲多藏但恃避兵無夢怕君不見頻年曹鄆走黃巾
千村萬落生烟塵縱然淚入饑腸痛高壘深溝何處種目
桐華舸詩續鈔卷一
三

中鬼哭舊山陸賊來一礮成血渠當時築盡田千畝半養

荆榛半水滸

蝸窠坐月

人生駒過隙風景當前真空山微雨歇宴坐凝心神悠然
皓月來溼我衣上塵不知何寺鐘依依渡水濱到耳聲向
微續以寒螿呻寒螿生幾時不厭詩人貧苦吟空階月切
切悲霜辰嗚呼空卽色寓目何非新隨緣不自遣一逝那
復親漫謂明年花猶是今年春斯時虛籟寂孤燈青欲長

雪夜偶成

溼雲堆墨夜光寒獨坐蕭齋蠟炬殘猶記嚴城巡雪起做
裘風裂控征鞍

內子琴秋氏和作

張茵貞琴秋

三更風急雪橫斜挑盡孤燈聞戍笳寒夜淒涼一杯酒
街頭待曉買梅花

題畫

野意蒼蒼任所如貪看歸鳥過林於雲邊燈影前山曲知
有幽人夜讀書

前題

張茵貞

桐華舸詩續鈔

卷一

三

茆屋三閒倚竹林風吹門外杏花深夕陽閒步青山下
欲向前村夜聽琴

秋興

燒葉爐閒蘚暗生小園日涉掩柴荆秋風我亦無衣翦惟
聽疎砧月滿城

前題

張茵貞

秋風起秋葉飛細雨蕭蕭孤鴈低空山無人松子落遙
聽荒村寒擣衣

竺溪別業懷笈甫四首

荒墟棲鳥定淡淡炊烟生月高聞盪槳隔溪人語清橋邊
小酒樓樹隙孤火明老漁方夜歸前汀罾影橫我思北牖
卧隣雞應四更村巷秋又盡剪刀寒有聲

枯樹有好花反舌有佳音境過斯落寞誰爲陳迹尋唯有
故人書千秋猶寸心故人別我日繫舟青松林於今松子
落三度敲胸琴何當設鱸膾論文尊酒深

退之愛東野竊比雲從龍而况我與君相依如駟蛩君悲
詩教微獨立騷雅宗杜李孟韓外配以長帽翁辟諸蜂釀
蜜候至花花融後世有子雲嗚呼吾道東

桐華舸詩續鈔

卷一

五

亭亭百尺松蔭滿北窗下秋針懸露珠滴冷藤蓋瓦我時
倚繩牀臨風思遠者文章誰物色况似不羈馬安得九方
臯常過冀之野盍趁春水生泛檣梅根冶

桐華舸詩續鈔卷二

欽 鮑瑞駿 桐舟

正月十二日喜雪懷笈甫用東坡小飲清虛堂七古

原韻

聲聲郭索寒行沙擔頭雀似蜂歸衙萬木朝瘖野水暗一
雲開徧瓊瑤花去冬不雪米價貴齋宮宿禱勞官家農田
凍裂麥苗倒安得補種來靈鴉今朝快寫右軍帖老梅窗
外初含葩垂簾靜坐舸生白隔溪乍響漁叔爬喚舟不效
夜訪戴卻望君過看山茶時署中寶珠茶花
正開前有此約城南鶯黃酒
桐華舸詩續鈔卷二
一
應熟衝寒且擬柴門過前年從軍駐江表冰滿鐵衣殊可
嗟何如騎驢覓詩去春耕行看花蒸霞

擬謝皋羽雨夜呈韶卿

一聲一淚滴迸作兩人愁舊夢圍燈小新涼上髻秋天涯
初落葉酒罷獨登樓芝朮故山碧逢春卻寄不

送內弟汪集卿祠部鴻禧歸里

記別鄉園已十霜桃花潭水讀書堂倚樓夜半曾聽雨訪

菊籬邊共舉觴

君家菊
花最盛

絲竹開筵春欲暮烽烟極目道初

長一官偃蹇鵬程阻攜手臨歧黯斷腸

皖公山色照江流父柩應須正首邱

君尊人琴軒叔岳
避兵安慶遂沒

肥徘徊蘭葉暖對牀零落棹花秋

一門羣從兵
後零落殆盡

儻登白岳

遙相憶不說黃墟我亦愁轉瞬西風布帆穩翦燈重與話

綢繆

張九齡

君王儻不忘金鑑焉望韶州淚滿衣相識胡雛真具眼憂

深海燕亦知機豈惟風度三唐勝卽論詩才一代稀他日

名懸朱鳥影有人煙艇接餘暉

明皇於曲江祇賞其風度而弗寶其金鑑是以有賜奠

桐華舸詩續鈔

卷二

二

韶州之悔也三句先見之明四句保身之哲六句特識

七八以少陵詩爲證則知有唐一代詩運自曲江開之

非正字也因讀澹香齋詠史此題不愜聊爲補之

自記

春日有懷故鄉往事以詩志之

迢遞東風易斷魂亂山行處靜沙痕一聲犬吠客沾酒半

日雨晴花覆門春水濃於前渡柳晚霞明出隔林村年年

寒食烟溪路徑寸桐魚滿市盆

桐魚長不及寸南河烟村
三里許有之灸之最美

修竹田園淨客魂野人斲笋認泥痕曉來微雨杏花白時

有鷓鴣啼墓門儼舞黃童章拜社紙糊紅鬼祭連村太平

風景依稀在醉倒山家老瓦盆

病齒

人生何處可求安一齒焉禁萬鍊攢寒暑偶愆爲沴易形
神未病得醫難藥鎊香暖笙聲細畫棟泥融燕語闌坐久
忽忘微疾去心閒卽是九還丹

西湖逢老衲蓋南府舊伶也與談往事感慨係之

不似江東老薛九酒酣猶舞舊稽康一般南內霓裳隊卅
載西泠繡佛場鐘磬聲殘銅輦歇兵戈劫後葑隄荒春風
湖上花如雪話到貞元各斷腸

桐華舫詩續鈔

卷二

三

方環山湖山秋月圖

萬峰晴不烟皓月到峰頂秋澄虛籟寂冉冉風露影山犬
時一聲遙知村柝警幽火小如星山沒坡陀迴湖光林斷
處一白天與永誰爲清夜遊擘筩在孤艇是時秋氣深千
厓蹙俱隕言敲野寺門隨鐘度前嶺老僧猶未眠經聲一
何靜苦苒爲我供斲泉烹瓦鼎曩者聞凍雷相招飲新笋
小樓今更寒高卧殘燈盡不知白雲歸但覺秋衾冷人間
舍黃山何處得靈境焚香攬斯圖彷彿舊鄉井松菊儻就
荒何須田二頃

春行

蓬蓬髡柳水村斜，知有漁樵三兩家。
小店帘明初壓酒，新畦草短乍燒畚。
璠間祭散喧歸鳥，渡口船來見杏花。
暫過旗亭聞野語，歲朝日蝕在京華。

春夜聞鴈

遊興因花劇，愁懷得酒忘。
誰燒深院燭，乍度夜爐香。
樹暗烟猶綠，城春月欲黃。
一聲何處鴈，我正憶江鄉。

春柳四首寄笈甫

閒愁歷亂碧成絲，半爲官河管別離。
歌舞有人相倚旋樓，桐華舸詩續鈔

卷二

四

臺何處不透迤，六朝舊夢孤城笛。
三月春蒐內苑旗，最是落花時節。
近化將萍梗滿天涯。

不須唱到北征歌，跪地依依奈若何。
關擁黃沙春色晚，窗窺朱鳥淚痕多。
泥人姿態三眠起，走馬光陰一剎那。
報道東君正青眼，狀頭衣上影婆娑。

猶憶長堤十里賒，籠烟籠雨舞腰斜。
江南客路初飛燕，邗上行宮幾暮鴉。
但覺深情如此水，何曾薄命不爲花。
儵然除是先生宅，遮莫攀條感歲華。

金縷歌殘酒不溫，年年惜別那堪論。
送來天上相思月，銷

盡人間少婦魂回首秋風纔白下傷心芳草又黃昏應教
移向靈和殿共聽新鶯拜禁門

訂詩

小閣梅開雪乍晴祭詩有例且稱觥稿經手定無遺憾學
要人知總近名臺峻豈能雲幻出汲深方見水翻成漫令
歲月堂堂去千古須從寂寞爭

城樓望雨有懷瘦梅虞部

冷雨淒風近寒食麗譙縱目當春遊英雄亦有白頭淚桃
李能無黃葉秋

時接來書頗有歲不我與之感百尺雕闌原易朽一聲啼

桐華舫詩續鈔

卷二

五

鵝爲誰愁何如走馬金臺柳醉倒城南幾酒樓

擬何大復落花歎

落花紛紛春欲暮春未暮時花滿樹花時爛漫亦東風但
覺花多風不妒燕懶鶯愁粒管哀殘紅寂寞委青苔可憐
芳草斜陽路多少征人去不回

雨後望華不注

一角危亭倚半峯小橋行盡入深松朱闌欲溼斜陽影尙
有雲來護晚鐘

春閨夜思

重局夜香罷銀漏欲交三草暖蟲聲曼花深月氣愁殘宵
誰摘阮佳節憶傳柑明日樓頭柳傷心南浦南

郊行遣興

紅板橋連白板扉杏花開處燕初飛柳塘水漫羣鳧浴麥
壟風寒碓雉稀耕課社前忙緯未村荒兵後賣靴衣野人
聞減今年稅競約躋堂獻酒歸

宿南館陶鎮

小驛依頽岸宵行猶荷戈臨風鴻唳咽近水月光多車馬
勞如許鸞花別若何不知江漢上誰唱七星歌

桐華舸詩續鈔

卷二

六

月夜訪王敬甫東莊

曠野月如雪林遙村火微疲驢行不近人迹夜來稀一片
風漪外三更孤鴈飛倚松僵立久忘歎舊荆扉

孤鴈

忽失南來伴銜蘆誰與尋江空惟影落月白豈飛沈生死
三秋夢悲哀兩地心栖栖作宵避漁火雨中深

春日有懷故鄉往事再疊前韻

杜宇催春泣蜀魂水田秧綠簇波痕六朝蕭寺倚修竹十
里白蓮開到門夜看鬼燐焚舊疏

靈金山夏夜看金燈所
焚召鬼疏前明李善長

所製朝喧神鼓滿荒村賽神演劇夏日居多鄉人豔說汪王墓唐越國公

汪華支裔最蕃墓在郡城外清明祭掃至四月方畢半是南唐賜祭盆

丹楓烏柏惱詩魂漲落危灘石齒痕處處秋晴雲入市家

家松老翠當門焙茶火聚山椒店製墨煤燒澗上村好是

菊花時雅戲涼宵蟋蟀鬪雕盆

集仙臺上畫師魂臺在竺溪寺外明末鄭處士重與呂祖談道於此記得當時鴻

爪痕杼響連宵燈隔巷書聲比屋雪堆門醬雞風鱖家神

祭釜粥闌豬野老村似我兒時歡守歲桃符換後點薪盆

頻年草木久驚魂黃鳥歌成亦淚痕一夕二三烽舉埃十

桐華痾詩續鈔卷二 七

家八九虎窺門劫餘山水元無恙圖到朱陳尙有村從此

投戈餐粥便市中安用詛新盆

擬陸劔南秋晚登城北門

何人吹角古城隅催起嗷嗷宿鴈呼霜壓寒汀魚糝出風

披衰草烏羅孤愁時那得常安枕任運何妨獨守株回想

長安深雪夜胭脂坡下酒家壚

讀晞髮集

潮到西臺亦哭聲魂招幕府恨難平歷天有夢誰收骨許

劔無人忍論兵黑水茫茫悲故土白雲渺渺寄餘生冬青

一引滄桑淚寥落於今汐社名

芝罘島望海

不有魚龍百寶呈尾間洩處幾虛盈咸池日出雲霞爛蓬
島秋來天地清九萬里中浮蜃氣三千年外踏潮聲自從
徐福求仙去輪與荒洲浪得名

閒居偶成叠校獵圖韻

得氣艱於魚負水雕龍有口說猶騰誰捫朱邱禪閒蝨空
盼青雲架上鷹玉樹歌春揚二世金貂結客漢諸陵釣天
一夢啼鴟急何路崎嶇不峽棲

桐華舸詩續鈔

卷二

八

儻教珥筆奉含冰聲價料應五鳳騰畫地奈慙名士餅拜
官那羨侍中鷹未能仙學希夷子安得功垂論泣陵何日
歸溪釣明月蘆花深處叩船棲

夢裏山林冷若冰酒天爛漫醉歌騰何當射鴨敲銅斗遮
莫拏雲付鐵鷹顛倒縱爲神所玩擲揄差免鬼相陵浮生
惆悵蕉衣脆纔著秋風欲折棲

甘泉宮裏正藏冰賀捷書來夜羽騰冬蜡競傾無事酒春
蒐也養太平鷹百年耕織開吳越萬國梯航頌阜陵想像
柴扉掩黃葉豈求自試效丁棲

感懷疊前韻

皎然懷抱一輪冰底事光芒不可騰圖入丹青非俗馬目
迷白黑失奇鷹酒中歲月陶彭澤鏡裏精神仲子陵我有
防身長劍在崆峒何處倚霜棱

河上曾防虎渡水不教凍角夜深騰那知蓬島猶橫鱷豈
但花門似豢鷹反覆兵屯三楚戶倉皇騎突二穀陵禱天
惟祝星精降散作人間百馬棱

宦海二首疊前韻

宦海危疑狐聽水冰堅中有浪潛騰可堪讒口時成貝那

桐華舸詩續鈔

卷二

九

肯兵緡更索鷹出岫雲如歸北坐壓裝石定借西陵影山
深處田園舊種秫年年釀碧棱

夷猶誰斲大江冰恩甚心同駕肯騰漫謂出山皆小草縱
然獨立亦神鷹濁清不掩泉中冽蒼蔚何傷木上陵况復
華予芳可折豈宜煮石卧雲棱

春遊漁梁道院偶然追憶賦之

白雲無古今衆壑自晴陰一徑藥苗秀前厓樵斧音道人
閒埽石空翠暖霑襟欲覓桃花鰕新安江正深

幽澗暗泉滴碁聲何處尋殿冥時怖影晝寂不聞禽古井

靈砂氣喬松野鶴心烹茶清話永延月更鳴琴

臨清道中

節過清明乍燠涼櫻桃熟後焙茶忙柳堤雨積晴如滴麥
隴風肥翠有芒一襪春聲迴鴈鷺半村暮色暖牛羊何人
卜築紅塵外隱約高歌出草堂

野角鳴鳴哨馬經往時雙隊駐郊垌

時與會哨
每月兩巡

競尋幽事

春三月誰弔詩人謝四溟廢舶亂橫新浚港

去歲開河
今又停運

旗半捲小津亭自從海運雄飛輓古開年來蔓草青

黃山雲一首呈笈甫

柯華初詩續鈔

卷二

十

黃山卅六峯峯峯白雲鎖聽說遊山人時時被雲裏俄而
陟峯尖踏雲足疑跛俄而循峯腰戴雲頭似鬢絕頂何盤
盤坡平天淡沲兩人時對立支筇忘爾我徐徐一雲過忽
向人前墮一雲故相撞碎若飛花瑣撻之雲不顧著手光
皚皚前雲渺然去後雲若相催掉頭望後雲前雲歛已回
一雲生一峯峯乃雲之母萬峯交萬雲雲又峯之友蕭蕭
風雨來洶洶波濤吼上有青青天下有冥冥淵縹緲鸞鶴
音出沒星斗躔忽焉橫翠彩落照茫無邊不知歸岫盡但
見松蜿蜒羣峭兀蒼蒼化作空濛烟何當臨天都一臥秋

雲巖

秋郊

時清安用設旌旗
鈴柝相聞馬四馳
戰壘半摧風捲石
譙樓一角月臨陴
每因葉落迎寒早
猶記花開出餞遲
若問商周封建法
白楊瑟瑟黍離離

秋村

盼到耕桑歲月寬
趁墟無復議兵團
柴門霜曉聞雞靜
山館燈深話雨寒
自古戰場唯瓦礫
於今賽社有衣冠
江南寥落干戈後
黃葉新圖忍細看

桐華舸詩續鈔

卷二

十一

清谿夜話圖贈笈甫

他年結屋依霜筠
門前白石波鄰鄰
朝看對岸山暮垂
當渚綸烟蓑雨笠
吾故人移家恰住
前谿澗月下相呼
扣漁榜自划小艇來
頻頻松花之飴竹
葉春高談漢晉
商周秦人間何事
不稱意歸就秋風
千里莚

偶成

不須長揖向公卿
名士由來畫餅輕
命借文通磨蝎盡
一篇秋水若爲情

讀敬業堂集

經籍光中白戰酣朱王端合鼎成三瓣香自下東坡拜漫
擬遺山陸劔南

汪叔明司馬寫村居圖見贈卽題其上

江南秋色易銷魂寫出歸人水上村山入前溪黃葉路一
畦寒菜夕陽門

冬菜

早韭醃餘又晚菘書生風味幾人同凍藜一瓮應時蓄卻
憶吳門雪裏紅

聽雨樓圖

桐華桐詩續鈔

卷二

十一

起樓倚山椒湖光淨於拭荷花香最清荷葉香尤碧西山
驟雨來跳珠明的的碎若鐵馬敲脆若銅琶摘縹緲子晉
笙寥亮桓伊笛主人午夢回傾耳情何適蕭蕭打葉聲聽
之萬緣寂宵深孤籟沈還聞涼露滴惟是憂患餘不堪思
所歷自云昨陳書禍機幾不測荷校遠投荒十步九荆棘
一夕過山城其地殊險僻萬峰高插天茜露晝猶黑古木
陰森森縱橫唯虎迹旁有敗郵亭驛卒無人色瓦鐺不可
炊土泥不可席門外語山魃門內伏狐蜮就中斷猿啼兀
坐淚沾臆漏屋穿星光鬼芋出疥壁是夜風雨急破柱走

霹靂如今萬葉喧對畫悲尤劇豈知天地恩晏然獲家食
一笑更憑闌滿湖秋月白

賦得檐下雀和顧亭林徵君

品不列珍奇味不登鼎俎栖栖數椽間將雛日辛苦豈爲
大嘴烏飛鳴近牖戶一枝聊強依於人亦何侮鍛翅到臯
禽雕籠幾鸚鵡大抵時所憐未必此安堵朝噪晴暮噪雨
區區庖中肉何取翟公之門誰似汝獨抱銜環一片心胡
爲夜有穿墉鼠

莘縣旅宿

桐華舸詩續鈔

卷二

三

朝出城南郊暮宿荒村塢茆店何蕭條誰爲具雞黍忽聞
旅人言操音近吳楚自述昔所遭山家住林莽瓦燈生怪
光壞壁拱饑鼠啾啾作人立疑物憑以語寒星深夜低陰
燐入庭戶訇然門有聲風腥過瘖虎烏爪森著人驚沙灑
其羽倒地猶蠕蠕蝙蝠如瓮許當年一都會樓臺日歌舞
豈知長槍兵一過悲焦土可憐鬼殘形踉蹌走當午往往
天晦冥幽血漬苔礎危哉行路難何處無風雨我聞翻破
涕幸免兵戈苦土炕卽牙牀塵羹亦肥豈放眼四壁空古
今皆逆旅

明湖步月

高樓人未寢風送翦刀聲垂柳橋邊路歸鴻月下城料應
挑錦字莫或問銀箏予亦天涯久離愁一水盈

竺溪雜興

溪門沽酒啓明月在東峯秋水淡如此悠然何處鐘鄰翁
夜相訪仄徑露初濃庭樹曉雞唱還期花市逢

夜憶紫霞山

古塔凌空起蒼茫暮靄環寺藏深竹綠門掩一溪閒枕石
聽松久齋猿洗鉢還圍焦最高頂茗話月中山

桐華舸詩續鈔

卷二

古

鴛湖感舊

萬竹參差綠朱闌湖上樓何人捲簾箔猶憶摩筮篋茗椀
爐香地羅衣紈扇秋當時風月會惟見水東流

前涯

荷葉浸前涯風喧兩岸蛙荒村松架屋小港竹編籬客有
滄浪詠天開詩酒懷隨緣聊自遣不鴈早安排

城外口占

漫將歲月付浮萍遇勝流連眼易醒風逐晴沙黃滾滾天
垂遠樹碧冥冥時無烽火村聲靜河是魚蝦石氣腥草色

不知春已去猶隨車馬過長亭

孤雛行

并引

前主簿徐某卒官館陶孀居兩世惟一幼孫存焉同人
卹之爲作孤雛行

庭前高槐柯葉古上有慈烏方噉乳豈知有虺噬其雄日
夜將雛獨誰語哀哀五更啼到明晴啄桑蟲陰徹土彼羣
者鴉非我侶那肯相隨託林莽但願孤雛日長成力與故
雄作門戶九天高高九地深寡婦孤兒淚如雨我所悲徐
主簿

桐華舸詩續鈔

卷二

五

竺溪漫興

蘆荻碧無際涼波浩渺時橋連松徑暗鐘出佛樓遲舊事
供茶話前朝剩蘚碑霜晴殘菊在應醉禹王祠

擬李青蓮夜坐吟

月出西樓暮月落東樓曙樓中有佳人含情織練素天涯
月滿人未歸夜香燒罷愁誰訴金釵有卜每愆期寶鏡有
光難照路心上關山夢亦疑秋風又入庭前樹牀頭落葉
一聲聲可憐有夢無尋處

余爲笈甫繪山館聽秋圖題五古三首意有所觸再

呈一律不知何時方愜此願也

空山桂花發天地正秋風渺渺獨懷古蕭蕭來遠鴻門關
修竹裏琴倚月明中豈似東華夕惟聞歌吹濛

過李家渡

野渡晚花香歸鴉滿夕陽斷橋苔發碧深樹土垣黃此地
足風月何人耽老莊隔籬聞抱瓮我欲卜行藏

東京夢華錄書後

夢到東京全盛年無邊風月鬪嬋娟物華日溢終兵劫勝
事空知亦古緣三浙湖山開畫舸兩都宮闕泣春鶻行間
桐華舸詩續鈔卷二
字裏招魂淚蕭瑟千秋稗史編

去

閱洛陽名園記

彈指樓臺一刹那宣和花石換山河蟲鏤敗葉空成字魚
嚼枯萍自上波勝地從來歡會易盛時豈覺木妖多淒涼
良嶽秋風後五國城邊卧橐駝

擬李青蓮千里思

人生無百年離別何時了誰謂嬌如花不怕愁腸攪花亦
不禁愁淚滴花疑槁今年春風來容顏花自好如何明鏡
中淚眼紅難埽花開人轉愁人愁花又老朝愁復夕愁門

前溪水流水流何處去蓮葉洲邊路新月何彎彎照儂雙
鬢鬢青絲渾短盡臨水更愁顏食苦莫如藜食甘莫如棗
甘苦併一心孤衾夢顛倒千山復萬山夢中行路難何當
冠軍詔封拜出長安

題烏目山人山水册八幀

春滿溪山

修竹萬竿墟落碧溪上烟波淡將夕野花開徧小亭空獨
有幽人自攜屐倏遊猶記帝城東歌舞樓臺金粉中祇今
杜宇三更月勝事如烟春夢紅

桐華舸詩續鈔

卷二

七

草亭秋暮

訪秋最愛雲中巘礪戶無人響孤犬半天寒色樹槎枒斷
橋流水斜陽遠數家烟火望柴荆不爲輸租不入城冬來
聽雪茆衣底酒滴銅槽有凍聲

籬桃新綠

世界桃源勞想像每見桃花卽神往草廬一角倚清溪前
山暮雨收漁榜靡蕪綠過短垣西柳外潮痕略約低午宋
開簾空翠入隔籬鼓篠鷗鳴啼

梧桐夜雨

秋聲吹滿銀闌井素纒孤懸露華冷况乃殘宵風雨深燈
昏小閣寒難寢哀蟬乍歇溼螢愁滴徧空階未肯休何似
微雲河漢夜鳳皇枝上月如鉤

寒鴉夜月

霜彫老木孤城出暮色橫江萬鴉黑蕭蕭落葉栖復驚坐
使離人眠不得月明欲素風滿林三市無依愁更深可憐
茆店聞雞客輸汝垂楊終古心

霜林晚霽

山人半住雲深處昨聞青女朝天去讌罷瑤池攜酒歸醉
桐華舸詩續鈔

卷二

六

煞厓前萬重樹難得晴鐘報晚新珊瑚海上有餘春遙知
對岸樓中望應羨停車石徑人

山寺養疴

養生借得空王地襍被何人惠然至烟霞有癖孰能鬻聊
與翦燈商畫意信步探幽又一時杖藜不覺雲相隨歸來
煮茗邀僧話擬汲崑泉滌蘚碑

山莊積雪

築場墮戶私困足井稅早完開里塾山風一夕吹雪晴曝
背茆檐看銀竹晚呼兒女撥新醅樽榼爐温芋共煨鉏月

小園梅有信掃門好待故人來

落葉聲

洞庭波上望湘君捲起秋聲處處聞
開徑何人驚夜雨傷春有曲泣朝雲
斷橋卧柳哀蟬歇古戍歸鴉野燒分
蕭瑟西風登隴首悲笳積裏正移軍

蟋蟀聲

月滿空階葉滿牀聲如變徵劇蒼涼
萬家燈火初寒夜一寸河山小戰場
天豈悲秋憑以語人應怨別夢俱長
王孫芳草無消息剩與詩心墮渺茫

桐華舸詩續鈔

卷二

五

烏鴉聲

反哺情深只自憐啞啞枝上欲霜天
五更曉角孤城月十里垂楊廢苑烟
銀箭催秋歌宛轉玉顏妬影怨嬋娟
關山惹盡空房淚腸斷青琴第幾絃

郊外散步

覆罷松窗一局棋尋幽如赴故人期
白雲泉冷漣苔屐黃葉村遙訪薜碑
日落始分山向背林深不覺路逶迤
晚鐘隱隱催歸急鴉帶斜帆入浦遲

梧桐夜雨

初本

秋宵第一淒涼境晚風吹墮雙梧影

成句

萬葉颼颼山雨

來燈昏小閣人難寢當年蜀道雨零鈴演作元人院本聽

元人有梧桐夜雨雜劇詠明皇西巡蜀道事

何似微雲疎雨夜滴殘金井看雙

星

段干木墓

陶山八景之一

踰垣眞獨行不愧古巢由此日陶山畔豐碑土一邱世衰
滋橫議黨禍極清流誰識先生意儵然窮巷秋

歲暮別

并序

此與少年遊皆劉茂才

開

道上吟六首中題也前詠其

桐華舸詩續鈔

卷二

三

四客窗多暇意有所感聊補詠之

庭柯瑟瑟風颼颼淒然日薄增煩憂雪花如掌鳥飛絕客
子尙作天涯遊不愁迢遞長安道常懼高堂頭白早可但
深閨怨別離一別親年一回老寸草春暉空爾爲白雲目
斷心暗悲功名富貴古難必如此彫年何所之嗟嗟菽水
能粗足豈向異鄉守孤燭人歌蟋蟀役車閒我胡失路愁
關山夢中猶記出門日七齡弱女牽裙泣數問明年何日
歸阿婆何處寄寒衣語音未絕聲俱咽黯黯臨歧天欲雪
忽聽窗前烏夜啼伴人只有空牀月

少年遊

翩翩公子豪莫倫五陵結客春復春奴僕三年奉頤指綺
羅十二隨車輪桃花落盡不歸去滿目天涯猶比隣否則
長安遊俠客劇孟焉知別離色夜闌走馬胭脂坡手指星
辰看太白年年間井付萍蓬翻笑夷門老爲役獨是金閨
對策來後心科第風雲開十五二十偕計吏米珠薪桂銅
馳街高樓月滿愁呼酒小院花深思落釵往者六親欣且
畏畏似蘇秦他日貴附書往復問寒溫遙贈腰纏非口惠
今年下第出無車明年下第食無魚賈文爲活栖栖甚漸
桐華舸詩續鈔卷二

三

覺人前慰藉虛早知窮達有時命何苦落拓輕江湖閨中
少婦紅顏老愁絕白頭人倚閭

4本
340

